

Tingulluut tuniluuttoq B (Hepatitis B) - Angajoqqaanut paasissutissiissut

Tingulluummik tuniluuttumik B-mik napparsimasoqalersimava? Angajoqqaatut nappaatip tuniluus-sinnaaneranut pinaveersaartitseqataasinnaavutit. Iltersuut atuaruk meeqqallu tingulluummik tuniluuttumik B-mik napparsimasorilersimagukku sulisut tamatuminnga ilisimatikkitt.

Tingulluut tuniluuttoq B (Hepatitis B)

Tingulluut aseruuttoornertut ittoq tappiorannartumik virus-imik patsiseqartoq

Tunillatsinneq

Nappaat aak aqqutigalugu ass. kapuummut kapinikkut, atoqatigiinnikkut, allatigullu qanissimanik-kut, kiisalu meeqqap inunngornerani arnaanit meeqqamut tunillaattarpoq. Tappiorannartoq virus napparsimalerneq sap. ak. pingasunik sioqqullugu tamatumalu kingorna qaammatini arlalinni virus aammiittarpoq. Ataavartumik tingulluuteqalernermi ukiut arlerlugit aak virus-imik akoqartarpoq. Meeqqat ass. pinnguarnikkut, ajutoornikkut kiitinnikkulluunniit, qiseq aalluunniit aqqutigalugit ameq ameraasarlunniit pitarlugu tunillaasinnaapput

Pitsaaliuineq

Meeqquvimmi hepatitis B-mik nappaateqartoqarnera ilisimanngikkaluaraanniluunniit aak ass. qinngakkut aattoqartillugu kilernermilluunniit saliinermi tamatigut aqqateqaqqunarpoq, aqqataarnermilu assaat asaneqassallutik. 2010-mi septembarip aallaqqaataaniit inoorlaanut tamanut tingulluummut hepatitis B-mut akiuussutissinneqarnissaq neqeroorutinngorpoq.

Nappaammut ersiutit

Tunillatsinnermiit napparsimalerneq: Qaammatit 2-4. Nappaat ilaatigut illigisaarunnermik, meriarnermik, naarlunnermik immaqalu timminermik aallaqaateqartarpoq. Allatigut kissarneq tassanngaannaq qaffassinnaasarpoq niaqorlunnermillu, kiisalu nukitsigut naggussatigullu anniar-nermik ilaqarsinnaalluni. Tamatuma kingorna tamatigungajak sungarpallannermik kinguneqartarpoq. Nappaat sapaatip akunnialuiniit qaammatit arlallit pallillugit sivilissuseqartarpoq. Meeqqani inuu-suttunilu sakkukitsumik atugaagajunnerusarpoq. Ataasiakkaat pingaartumillu inoorlaat meeqqallu minnerit nappaat ataavartumik attatarilersarpaat.

Nakorsartinneq

Tassanngaannaq napparneq nakorsarneqarsinnaanngilaq.

Taama napparsimasoqartillugu maleruagassat

Tingulluummik hepatitis B-mik nappaatillit Nunatsinni Nakorsaaneqarfimmut nalunaarutiginnissat peqqinnissaqarfiup pisussaaffigaa. Meeqqap hepatitis B-mik nappaateqarnera pillugu, angajoqqaat allat ilisimatinnissat, meeqqap angajoqqaavisa pisussaaffiginngilaat. Sulisut inatsit malillugu nipangiussisussaataapput

Meeqquvimmukaqqinnissaq

Meeqqat inersimasullu peqqissigunik meequviliaqqissinnaapput. Ataavartumik hepatitis B-mik tingulluutilinnut killilersuisoqanngilaq.